

Vaksdal kommune


Bergen, 24. februar 2020

Søknad om økonomisk støtte til utviding av parkeringsplass ved Hamlagrøsen for gjester til Vending og Breidablik.

Bergen og Hordaland Turlag (BHT) søker med dette støtte til utviding av parkeringsplass ved Hamlagrøsen i Voss Herad. Bergsdalen og Hamlagrø er eit område med aukande friluftaktivitet både sommar og vinter. BHT ynskjer å leggje til rette for besøkjande til våre hytter i området ved å lage til open parkering for ca. 15 bilar. I praksis vil plassen kunne brukast av alle, men den vil merkjast med P-plass for besøkjande til BHT sine hytter Vending og Breidablik. Tilrettelegging av parkeringsplass ved stistart var også eit krav i byggesøknaden for Breidablik.

Området


Bergsdalen er det mest populære turområdet med DNT-hytter i nærleiken av Bergen, med under to timars køyring til stistart. Området opnar dermed for kortreiste fjellopplevingar og ca. 400 000 har desse fjellområda som sine nærområde. BHT arbeider også med utbetring av stien mellom Hamlagrøsen og Vending for å leggja betre til rette for turar i Bergsdalen.



Bilete 1: Rutenett i Bergsdalen med sommarstiar (raudt) og kvista skiløyper (blå).
P-plass markert med grønt.

Parkering Hamlagrøsen


Bergsdalen har dei siste 10-12 åra vorte utbygd med fleire sjølvbetente DNT-hytter slik at avstanden mellom hyttene er tilpassa barnefamiljar og kortare dags- eller overnattingsturar. Aktuelle hytter i området er (frå vest); Høgabu, Gullhorgabu, Alexander Grieg, Vending, Breidablik og Kiellandbu. Breidablik som hadde ny-opning sommaren 2019, har i løpet av ein halvår hatt ca. 2000 besøk, og mange av desse parkerer ved Hamlagrø og går stien via Vending.



Bilete 2: Jamn auke i besøket på DNT-hyttene i Bergsdalen

Hyttebesøket i Bergsdalen har auka jamt og trutt dei siste åra, og i 2019 passerte me 7300 besøk (30% auke frå 2018). Det er svært gledeleg med auka besøk i området, men det fører også til ekstra trafikk og behov for gode parkeringsløyseringar ved stistart.

I tillegg til at BHT kvistar skiløype til Vending frå Hamlagrøsen, preparerer Hamlagrø løypelag langrennsløyper kring Hamlagrøsen så det er alt i dag lagt godt til rette for skiaktivitet i området. Det er planlagt turveg langs sørsida av elva i Bergsdalen som vil gjere området endå meir attraktivt.




Bilete 3: Hamlagrø Løypelag preparerer løyper i området. P-plass markert med grønt

Parkeringsplassen

Bergen og Hordaland Turlag er den største friluftsforsamlingen på Vestlandet med over 31 000 medlemmar og har som formål å leggje til rette for eit aktivt, enkelt og naturvennleg friluftsliv. I Bergsdalen går det knapt rutebussar så personbil er for mange det einaste alternativet dersom dei skal nytte seg av den flotte naturen i området. Det er få offentlege parkeringsplassar langs vegen og vegen er også så smal at det mange stader er uforsvarleg å parkere på vegskuldra. Særleg vinterdagen er det vanskeleg å få parkert om du ikkje har privat parkering.

BHT vil no utvide den private parkeringsplassen ved Hamlagrøosen med ca. 15 plassar, slik at vegfarande utan fast parkering kan få bilen ut av vegen. Det vil vere oppslag ved parkeringa at parkeringa er for besøkjande til BHT sine hytter i området, då spesielt Vending og Breidablik, men plassen vil ikkje vere låst og det vet ikkje kravd avgift for å parkere.

Plassen er tenkt utvida i sørenden, og bommen som i dag står oppe ved fylkesvegen ved innkøyringa til plassen vert flytta ned og litt inn på plassen slik at det vert open parkering i den nordlegaste delen.



Bilete 4: Skisse over planlagt utviding og skilje mellom privat og offentlig parkering


Framdrift

Avtale med grunneigarar om utviding er signert, og me har fått byggjeløyve frå Voss Herad. Arbeidet er planlagt utført sommaren 2020.

Økonomi

Sjølve parkeringsplassen ligg i Voss Herad, tett på kommunegrensa til Kvam Herad og Vaksdal kommune. Hamlagrøosen er ein viktig innfallspurt til turområde i alle desse tre kommunane, og betre tilrettelegging for parkering vil vere kjærkommen for både innbyggjarar i Kvam og Vaksdal som gjerne har hytter og stolar i området, og for turgåarar som vil nytte dei flotte fjella i desse tre kommunane. Søknad om støtte til parkeringsplass vert difor sendt alle tre kommunane.

Budsjett for arbeidet er vist nedanfor.



Godt tilrettelegging for lågterskel friluftaktivitet er eit viktig folkehelseiltak og førebyggjande helsearbeid bør vere i alle kommunane si interesse. BHT har teke på seg å prosjektere, søkje om og arbeide opp parkeringsplass, men som frivillig organisasjon har me avgrensa med midlar og me ber difor om offentleg støtte til eit prosjekt som vil kome alle i samfunnet til gode. Det var også eit krav for byggjesøknaden til Breidablik Turisthytte som vart opna i 2019, at det skulle leggjast til rette for fleire parkeringsplassar ved stistart for aktuelle ruter inn til hytta.

Me vil med dette søkje Vaksdal kommune om kr. 150 000,- i støtte til parkeringsplass ved Hamlagrøosen. Per dags dato er ikkje anna finansiering bekrefta.

Ta gjerne kontakt for utfyllande informasjon.

Med vennleg helsing

Johnny Bjørge

Hytte- og rutesjef

Bergen og Hordaland Turlag